



SAMOSTALNI SINDIKAT VISOKOG OBRAZOVANJA I ZNANOSTI BOSNE I HERCEGOVINE
HIGH EDUCATION AND SCIENCE UNION OF EMPLOYEES IN BOSNIA AND HERZEGOVINA

P O S L O V N I K

O RADU SKUPŠTINE/KONGRESA GRANSKOG SAMOSTALNOG
SINDIKATA VISOKOG OBRAZOVANJA I ZNANOSTI
BOSNE I HERCEGOVINE

Sarajevo, Oktobar/Listopada 2011.godine

Skupština granskog Samostalnog sindikata visokog obrazovanja i znanosti Bosne i Hercegovine na zasjedanju održanom dana 15. oktobar/listopada 2011. godine donosi

P O S L O V N I K

O RADU SKUPŠTINE GRANSKOG SAMOSTALNOG SINDIKATA VISOKOG OBRAZOVANJA I ZNANOSTI BOSNE I HERCEGOVINE

Član 1.

Poslovnik o radu Skupštine granskog Samostalnog sindikata visokog obrazovanja i znanosti Bosne i Hercegovine (u daljem tekstu Skupština) uređuje se način rada i druga pitanja i aktivnosti značajna za uspješno odvijanje rada Skupštine.

Član 2.

U radu Skupštine učestvuju delegati i gosti Skupštine.

Skupština broji 27 delegata.

Status delegata imaju delegati iz kantona/županija sa kantonalnim/županijskim odborima, predsjednici kantonalnih odbora.

Status delegata imaju članovi Upravnog odbora, Statutarne komisije i Nadzornog odbora granskog Samostalnog sindikata visokog obrazovanja i znanosti BiH, bez prava da odlučuju o izvještaju o radu i razrješnici organa čiji su članovi.

Skupštini prisustvuju i gosti koji imaju sva prava delčegata Skupštine, osim prava odlučivanja.

Član 3.

Skupštinu otvara i do izbora radnog predsjedništva radom rukovodi predsjednik Upravnog odbora. Na prijedlog predsjednika Upravnog odbora Skupština bira radno predsjedništvo od 5 članova.

Radno predsjedništvo Skupštine rukovodi radom Skupštine i po potrebi predlaže Skupštini odgovarajuće odluke i zaključke. Radno predsjedništvo predlaže Skupštini prijedlog dnevnog reda koji je utvrdio Upravni odbor. O prijedlogu dnevnog reda Skupština otvara diskusiju. Nakon diskusije i glasanja utvrđuje se dnevni red Skupštine.

Član 4.

Na prijedlog radnog predsjedništva Skupština iz reda svojih delegata bira slijedeća radna tijela:

1. Komisiju za verifikaciju punomoći delegata Skupštine od 3 člana,
2. Kandidacionu komisiju od 3 člana ,
3. Komisiju za izbore od 3 člana,
4. Komisiju za zaključke od 2 člana.

Delegati Skupštine mogu na predloženi sastav radnih tijela Skupštine staviti primjedbe i iznijeti svoje perijedloge o čemu se otvara diskusija. Nakon diskusije prijedlog sastava radnih tijela se stavlja na glasanje.

Član 5.

Komisija za verifikaciju punomoći delegata Skupštine provjerava punomoćja delegata i o tome podnosi izvještaj Skupštini. Na osnovu izvještaja komisije utvrđuje se da li Skupština može punovažno odlučivati.

Član 6.

Kandidaciona komisija predlaže Skupštini prijedlog lista kandidata za članove Upravnog odbora, Statutarne komisije i Nadzornog odbora, te podnosi izvještaj Skupštini.

Član 7.

Komisija za izbore utvrđuje rezultate glasanja za članove Upravnog odbora, Statutarne komisije i Nadzornog odbora granskog Samostalnog sindikata visokog obrazovanja i znanosti BiH, i o tome podnosi izvještaj Skupštini.

Član 8.

Skupština punovažno odlučuje ako mu prisustvuje većina od ukupnog broja delegata. Odluke su punovažne ako se donose većinom glasova ukupnog broja delegata Skupštine.

Član 9.

Izbor članova Upravnog odbora, Statutarne komisije i Nadzornog odbora vrši se pismenim glasanjem.

Član 10.

Izbor tajnim glasanjem provodi Izborna komisija. Izbori su punovažni ukoliko je glasalo više od polovine delegata Skupštine. Izabrani su oni kandidati koji dobiju većinu od ukupnog broja delegata Skupštine.

Član 11.

Ako u prvom krugu glasanja predloženi izborni kandidati za organe iz člana 9. ne dobiju natpolovičnu većinu glasova, glasanje se ponavlja za one kandidate koji nisu dobili natpolovičnu većinu glasova delegata Skupštine.

Član 12.

Statutara komisija će primati amandmane na Statut granskog Samostalnog sindikata visokog obrazovanja i znanosti BiH i Skupštini daće pismeno mišljenje sa prijedlozima.

Član 13.

Komisiju za zaključke prati rad Skupštine, vodi zapisnik, evidentira učesnike u diskusiji i na osnovu iznesenih diskusija utvrđuje osnovne principe djelovanja i zadatke granskog Samostalnog sindikata visokog obrazovanja i znanosti BiH za naredni period.

Član 14.

Pojedina pitanja Skupština razmatra i usvaja redosljedom utvrđenim dnevnim redom.

O primjedbama, sugestijama i amandmanima na prijedlog dokumenata, koji se daju u toku rasprave na Skupštini izvještava se Skupština i nakon toga se usvaja konačan tekst prvo prijedloga..

Član 15.

Diskusija na Skupštini se vodi, u pravilu, usmeno. Predsjedavajući radnog predsjedništva daje riječ učesnicima diskusije u diskusiji po redosljedu javljanja.

Član 16.

Dokumente, odluke i Poslovnik o svom radu Skupština usvaja javnim glasanjem.

Odluke su punovažne ukoliko za njih izjasni većina od ukupnog broja prisutnih delegata Skupštine.

Član 17.

Skupštinske komisije odluke donose dvotrećinskom većinom.

Član 18.

Rad Skupštine je javan.

U radu Skupštine, bez prava, odlučivanja učestvuju i gosti.

Član 19.

Delegati i gosti prijavljuju se za diskusiju Radnom predsjedništvu pismenim putem i predsjedavajući im daje riječ po redosljedu prijaveavljanja.

Diskusije mogu trajati najviše 5 minuta, a Radno predsjedništvo može izuzetno produžiti ovo vrijeme.

Svaki učesnik u raspravi po pravilu po određenoj tački dnevnog reda može se prijaviti za diskusiju samo jednom.

Član 20.

Radno predsjedništvo može predložiti Skupštini da se učesniku u diskusiji koji se ne pridržava Dnevnog reda Skupštine oduzme riječ, kao i da se Skupština ogradio od pojedinih diskusija.

Član 21.

Za pitanja i teme koje nisu regulisane Poslovníkom, primjenjivaće se odredbe Statuta granskog Samostalnog sindikata visokog obrazovanja i znanosti Bosne i Hercegovine

Član 22.

O primjeni ovoga Pravilnika stara se Radno predsjedništvo Skupštine.

Član 23.

Pravilnik stupa na snagu usvajanjem.

Sarajevo, 15.10.2011.godine

Skupština SSVOiZ BiH